

2024 yilda amalga oshirilgan import hajmi hamda importni qisqartirish bo'yicha ko'rilayotgan chora-tadbirlar to'g'risida MA'LUMOT

ИНФОРМАЦИЯ

об объемах импорта и принятых мерах по сокращению импорта за 2024 год

I. Kombinat tomonidan amalga oshirilgan import tahlili.

2024 yilda kombinat bo'yicha mahsulot va xizmatlar importi hajmi **56,4** mln. dollarni tashkil etdi.

“Navoiy KMK” AJ ning mahsulot va xizmatlar importi tarkibi quyidagicha:

1. Mashina va uskunalar (gidravlik ekskavator) - **1,2** mln. dollar (2,2%);
2. Butlovchilar va ehtiyot qismlar (ichki yonuv dvigatellari va beg'araz asosda olib kirilgan boshqa qismlar, kon va shaxta texnikasiga ehtiyot qismlar va beg'araz asosda olib kirilgan boshqa qismlar) – **25,4** mln. dollar (44,9 %);
3. Hom-ashyo va materiallar (og'ir yuk ko'taradigan kon-shaxta texnikasi uchun shinalar, portlashlarni yuzaga keltiruvchi vositalar va boshqalar) – **5,0** mln. dollar (9,0 %);
4. Xizmatlar – **24,8** mln. dollar (43,9%).

Kombinatning asosiy faoliyatiga taalluqli bo'lmagan, Mahalliyashtirish dasturi doirasida ishlab chiqariladigan mahsulotlar importi amalga oshirilmadi.

II. Kombinat bo'linmalari quvvatlarida mahalliyashtirilgan mahsulotlar ishlab chiqarish.

2024 yilda mahalliyashtirilgan mahsulotlarni ishlab chiqarish bo'yicha tasdiqlangan rejaga muvofiq, joriy yilning yanvar-sentyabr oylarida **183** ta (grafik bo'yicha 183 ta) loyiha bo'yicha **915,8** mlrd.so'mlik yoki davr prognoziga nisbatan **101,1%**ga mahsulotlar ishlab chiqarilib, 2023 yilning mos davriga nisbatan o'sish sur'ati **145,5%**ni tashkil etdi.

Xususan, 3-gidrometallurgiya zavodi uchun yangi turdagi 4,5x6,0 metrli sharli, 7,0x2,3 metrli maydalash tegirmonlari, masofada boshqariladigan avtomatlashtirish tizimlari asosida ishlovchi pulklar, vibratsion oziqlantiruvchi boshqaruv shkafi, yangi turdagi kon-shaxta burg'ulash texnikalari uchun ehtiyot qismlari hamda yirik avtosamosvallari uchun ehtiyot va butlovchi qismlar ishlab chiqarilib topshirildi.

III. Mahalliy ishlab chiqaruvchilar bilan kooperasiya aloqalarini kengaytirish va kooperasiya hisobiga importni optimallashtirish.

2024 yilda sanoat kooperasiyasi doirasida mahalliy ishlab chiqaruvchilardan xarid qilingan sanoat mahsulotlar hajmi **6 244.6** mlrd. soʻmni va 2023 yilning mos davriga nisbatan 112,6% ni tashkil etdi.

Kombinatning 2024-yilga moʻljallangan import boʻyicha olib kiriladigan mahsulotlar ishlab chiqarishni mahalliyashtirish va tarmoqlararo sanoat kooperasiyasini kengaytirish hisobiga importni qisqartirishning maqsadli koʻrsatkichlari joriy yilning yanvar-sentabr oylarida **115,3** mln. dollarni tashkil etdi.

Kombinat tomonidan xarid qilinishi koʻzda tutilgan, kelib chiqishi import boʻlgan tovarlar toʻgʻrisidagi maʼlumotlarni elektron kooperasiya portalida toʻliq oʻrganish orqali maʼlumotnoma shakllatirilgach xaridlar amalga oshirilmoqda.

2024-yil davomida hududiy va tarmoqlararo sanoat yarmarkalarida (jami 14 ta) faol ishtirok etilib, mahalliy korxonalar bilan **4,1** trln.soʻmlik hamkorlik shartnomalari tuzildi.

“NKMK” AJ importni qisqartirish va ishlab chiqarishni mahalliyashtirish boʻyicha ishlarni davom ettirish va xaridlar shaffofligini oshirish boʻyicha doimiy choralar koʻrilmoqda.